



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

17 b Rudolphus Marterer zů Bern.

urn:nbn:de:hbz:466:1-41449

chen/vnd Como darhinder / in S. Anthonien Capell zu
Prisen begraben worden.

g xv. Calendas Maij.

Der XVII. Tag im April.

An Africa ist heut der Geburtstag des H. Mar-
tyrers Mappalici / welcher geschlagen / vnd sampt
vilen andern mit der marter gekrönet worden ist:
Er hat sein marter mit Prophetischer stimm vorgesaget /
als S. Eyprianus schreibt.

*In epistol. ad
marth & con-
fess.*

Item zu Antiochia der H. Martyrer Petri des Dia-
cons / vnd Hermogenis seines Dieners.

Item zu Cordua des H. Priesters Helie / vnd der H.
Münch Pauli vnd Isidori / welche beyde in irem blühen-
den Alter / sampt dem gemelten alten Helia / der ein hey-
tiger Portugaleser war / vmb des Christlichen Glaubens
willen seind vmbbracht worden.

Item zu Rom des H. Papsis vñ Martyrers Aniceti /
der zur zeit grosser verfolgung das Kirchen Regiment
löblich fürete / vnd nutzliche ordnung machte / ist endlich
vmb Christi willen getödt worden.

Item in Persia der H. Martyrer Seneonis des Bis-
choffs / Abtele des Priesters / auch ihrer Mitgesellen bey
1150. welche alle vnder dem blüthigen König Sapo-
rio / grausame pein vnd marter vberstanden / das sie die
Himmelische Kron / mit ihrem beständigen Glauben er-
langeten.

Item in Italia des H. martyrers Dominici / welcher
siner auß den 72. sängern Christi war.

Item inn Orient des H. martyrers Nicophori /
welcher

Aprilis

wellicher vnder den Kaysern Galieno vnnnd Valeriano
vmb Christi bekantnuß willen mit der marter gekrönet
ist worden.

Anno Dñi
1287.

Item zu Bern des H. Knaben Rudolphi/wellicher
von den Gottlosen Juden gemartert ist worden/leuchtet
mit vilen wunderzaichen.

Item des H. marterers Jobite vnd anderer drey/ so
enthauptet seind worden.

Item zu Wien des H. Bischoffs vnnnd Beichtigers
Pantagati.

Item zu Dertiona des H. Bischoffs vnd Beichti-
gers Innocentis.

Item in Egypten/des H. Abts Ammonis/der ein
Mañ war vnglaublicher mesigkeit vnd abbruchs / auch
ein Vatter vnzeliger Mönch.

Item auch in Egypten des H. Abts Heleni/welcher
eines solchen Glaubens war/ daß ihm die vnuernünfti-
gen Thier allein durch wincken gehorsam waren. Als er
mit einem Keger disputiert/ist er in ein feuß gangen/ vnd
vnuerleht bliben/vnd also der Keger zuschanden worden/
hat auch andere vil wunderzaichen gethan.

Item in Libia/des Abts Pauli/welcher ein Vatter
war vber 500. Mönch/ hat sie mit hailfamen ermanun-
gen vñ vnstreflichem leben auff den weg des hailts gelai-
tet/ er hat kein handarbeit gethan / auch kein Speiß ge-
nommen/bis er 300. Gebett kniend Gott bezahlet/welche
er nach der zal der Stain setzet/also daß er zu einem jeden
Gebett ein Stain in die schosß leget.

Item zu Sonegias der Geburtstag des H. Bischoffs
vnd Beichtigers Landrici.